

元始无量度人上品妙經卷之四十三

保胎護命品

道言昔於始青天中碧落空歌大浮黎土受元始度人保胎護命妙品元始天尊賞說是經周迴十過以召十方始當詣座天真大神上聖高尊妙行真人保胎護命三元六甲大神无鞅數眾步景而來飛雲流輶泛霄紫輿翠輦金車彩蓋衆覆洞清凝光三色煥麗映徹空玄十日十夜諸天寶苑鬱京壙臺庭闕浮積巍構萬壘靈綱神芒停璣駐耀海雲呈瑞山嶽徊烟遠遶浩沓近連陬壁雲輝鼓華仙澤飄曳觸衣聞香皆獲上道一國地土山川林木碧蒙綿密蘭風靜注委霞繞落道聲夷由无量天

道藏輯要

度人妙經

三

元集二
X上L

仙稱歎希有眾真侍座元始天尊玄坐空浮一千二百大宮萬龍虯揭明藥繁珠大寶玉座之上說經一徧諸天聖母同時稱善是時一國仙妃神女憶悟往因見道本元信知天地未生元氣肇始神精吸粹陰陽定胎九十億劫三氣混淪九十大劫三華始分五老保胎三元育魂七竅洞張大塊乃圻二儀出胎始建寰海說經二徧胎卵濕生毛鱗介蠃无不備成說經三徧喙鳴口語呼應調順真協天律說經四徧膚革堅完全真散靈剛風宛轉說經五徧道出英妙才韻秀爽說經六徧至巧功成曲遂天德說經七徧育嬰端就善慧滋身說經八徧婦人懷娠鳥獸含胎已生未生皆得生成說經九徧胎臟發泄內寶露形說

經十徧道用神化自然成人是時一國是男是女莫不傾心保胎護命咸得長生

道言是時元始天尊說經一徧東方无極甲宮天冥保胎萬和護命大神无鞅之眾浮空而至說經二徧南方无極丙宮天真保胎玄明護命大神无鞅之眾浮空而至說經三徧西方无極庚宮天歷保胎肅靈護命大神无鞅之眾浮空而至說經四徧北方无極壬宮天胚保胎順生護命大神无鞅之眾浮空而至說經五徧東北无極癸宮天孕保胎護正護命大神无鞅之眾浮空而至說經六徧東南无極乙宮天壽保胎樂化護命大神无鞅之眾浮空而至說經七徧西南无極丁宮天申保胎道寂

道藏輯要

度人妙經

三

元集二
X 1 1 1

護命大神无鞅之眾浮空而至說經八徧西北无極辛宮天童保胎玄祖護命大神无鞅之眾浮空而至說經九徧上方无極戊宮天明保胎法義護命大神无鞅之眾浮空而至說經十徧下方无極巳宮天陽保胎道康護命大神无鞅之眾浮空而至十徧周竟十方无極保胎護命大神一時同至一國男女傾心歸仰來者有如揚埃積塵繁星散霧无鞅之眾徧滿一國九地俱震非可禁止於是元始舉身放光洞照十方上下良久攝光從寶光雲葉中出上現元始天尊大慈玉相金容赫炳於其眉間出寶珠相此珠微妙光出一尋內見虛皇玉闕天靈寶臺无鞅天人行住棲止乘跨鸞鶴笑言顧矚一時同現水火交發山

川宮殿圓寸而足元始既在太玄真一廣大靜定卽此化身分
形无量登引天真大神上聖高尊妙行真人十方无極保胎護
命至真大神无鞅數眾俱入元始珠光之中天人仰看惟見拂
拂從珠影中入旣入珠影不知所在國人廓散地還虛曠无復
駢沓元始卽於神珠妙光之內說經都竟眾真監度以授於我
當此之時喜慶難言法事粗悉諸天復位倏歛之間寂无遺響
是時天人遇值經法普得濟度保胎護命无有殞傷傾土歸仰
咸行善心不妄不惑不欺不欲不爽不違不思不忤不制不回
言與天通口无二聲齊同慈愛異骨成親國安民豐欣樂太平
經始出教一國以道預有至心宗奉禮敬皆得度世

道藏輯要

度人妙經

三

元集二
×古文

道言元始天尊說經中所言並是諸天保胎護命神王內名隱
韻之音亦是保胎三元六甲內諱百靈之隱名也非世之常辭
上聖已成真人通玄究微能悉其章誦之十過諸天遙唱萬帝
設禮天地萬類含胞孕胎無不生成祕解道先深得元奧大至
天地纖及昆蛸未有不深極胎真受道真氣布精凝血然後化
成一切聖賢諸天帝王高仙未有不從胎根育養而出故保胎
護命誦經召神易轉陰陽降福生人至學之士誦之十過則聖
母降房司馬侍軒司命定籍五帝延生萬彙受形保胎護命壽
德齊明所以爾者學士內咒隱名外誦真經召制十方與道同
榮伏御地祇束縛魔靈不但却死亦可仙身謂其呼召三元六

甲十方胎神使護已命身中胎元十真百節赤君聽命使子神仙不惟女子胎孕之厄可以誦持而學道鍊真不妨咏味輕誦此章身則受殃供養尊禮門戶興隆世世昌熾與善因緣萬災不干神明護門斯經尊妙獨步玉京度人无量爲萬道之宗巍巍大範德難可勝

道言凡誦是經十過諸天三元六甲九宮保胎護命福善大神降應齊到斷絕六天惡鬼上世亡魂於一切眾生胎元命宮作諸誣害使真氣消落神華傾喪孕化不登子嗣難成故氣流接注連累代速付北都斬戮鬼形考按錄籍善惡速分受道順生得爲貴人而好學至經功滿德就自識胎真皆得神仙飛昇金

道藏輯要

度人妙經

三

九集二

闕遊宴玉京也上學之士修誦是經皆卽受度真神自飛出入胎宮女人受誦則得保胎護命天人爲子實精變嬰誕育之日胎神護命无有損傷男子夙成福與道隆慶偕時興延壽長年後皆得作尸解之道魂神暫滅不經生滅卽得返形遊行太空此經微妙普度无窮一切天人莫不受慶无量之福生世蒙恩上天所寶不傳下世至七齋金寶効心盟天而傳輕泄漏慢殃及九祖長役鬼官保胎護命玉童玉女各三十二人營衛神文保護受經者身

道言正月長齋誦詠是經速召上元六甲直符保胎護命斷上世亡魂追呼子孫訟在天官使胎不成絕孕无子鬼注孤婢七

月長齋誦詠是經速召中元六甲直符保胎護命斷咒詛蠱厭
妬害男女訟在地官使胎不成絕孕无子鬼歷著名十月長齋
誦詠是經速召下元六甲直符保胎護命斷家訟濕注祖世牽
連鬼食胎精訟在水官使胎不成絕孕无子黑札定刑八節之
日誦詠是經護諸眾生一切命元使命无傾八方胎神各領官
屬入朝九宮太乙眞君延生保胎護命生根凡誦是經普及生
民不獨女身而植道因天帝下觀得爲九宮眞人本命之日誦
詠是經速召胎神聽受眞經明堂三君保護胎精魂神澄正萬
氣長存不經苦惱身有光明三界侍衛五帝司迎萬神朝禮名
書上天功滿德就飛昇上清

道藏輯要

度人妙經

卷一

九集二

道言行道之日皆當香湯沐浴齋戒入室東向叩齒三十二
通上閭三十二天心拜三十二過閉目靜思身坐青黃白三
色雲氣之中內外翕冥有青龍白虎朱雀玄武獅子白鶴羅
列左右日月照明洞煥室內項生圓象光映十方如此分明

密咒曰

无上玄元太上道君召出臣身中三五功曹左右官使者侍香
玉童傳言玉女五帝直符直日香官各三十六人關啟所言今
日吉慶長齋清堂修行至經无量度人願所啟上徹徑御
无上三十二天元始上帝至尊几前

引炁三十二過東向誦經

元始无量度人上品妙經

元始洞玄靈寶本章保胎護命十徧度人生根隱韻離合自然
太漠未分大道隱存倏忽變化是生精神神爲物靈混沌斯成
上下相錯二象氤氲以白入赤陰陽齊并以赤入黑胞胎乃凝
中含太虛明耀三清神室戔戔无始未名有玉嬰兒出玄入青
上无復祖惟道爲身紫胞解蒂瑩然真形混元脫胎產育神靈
二儀同化恍惚杳冥冥中之精至真之神无神不光无神不明
无神不立无神不成无神不度无神不生是爲大梵胎中之胎
億劫玉山七寶峻嶒九宮十闕億千萬門皆自道胎化運精神
逮於人物三華妙庭紫閣朱宮胎光爽靈細微幽精潛伏胎根
道藏輯要

度人妙經

三

九集二

神風轉靡周回十方中有保胎叔火之君中有變嬰和菟之神
中有司男伯華之君中有太玄監生之神中有衛房在庭之眞
男呼孟非女呼子宜玄胞未開二神同依胎血之鬼聞名斬摧
不敢干試生道永歸天壽之福護命玄師龍文虎裳五斗攝衣
速召三官太極主非握鈴嘯咤警歛風雷挾衛胎宮素烟霏微
五帝大魔金火八威保胎成真貴務光輝除難度厄无念无爲
今日校錄諸天臨軒

東方无極保胎生道神王長生大聖无量度人
南方无極保胎生德神王長生大聖无量度人
西方无極保胎扶貴神王長生大聖无量度人

北方无極保胎衛真神王長生大聖无量度人
東北无極保胎福善神王長生大聖无量度人
東南无極護命昭化神王長生大聖无量度人
西南无極護命度精神王長生大聖无量度人
西北无極護命食厄神王長生大聖无量度人
上方无極護命斷死神王長生大聖无量度人
下方无極護命廣慧神王長生大聖无量度人

十方至真保胎護命神王長生度世无量大神並乘紫霞吉光
越蒼之獸神禽丹鳳之輿瓊宮瑤輦左驂七靈右服九絕巨鳥
戢羽夔龍負轅建保胎之節護命神旛前嘯八音齊唱後吹九

道藏輯要

度人妙經

三

元集二
八八二

律同鳴仙舞秦侯嘯歌囉囉五老啟塗三元列言億乘萬騎浮
空而來天貴生道胎命爲先上帝躬簡太極候烟總真命神監
房度生九天聖母浮駕綠輶天后王如玄虎擁筵保胎護命齊
到帝前隨所應度嚴校諸天普告三界无極神鄉延生之府太
一三垣十二胎神布氣錫年使召天真絳膜紫淵交氣黃庭掃
蕩河源若有故氣祖考逮傳閉塞生道破胎敗傷不繼種嗣剋
害殃延疾除宿注落滅禍根不得拘留逼合鬼羣元始符命時
刻升遷斷絕惡試五道不祥保胎育嬰部衛形魂制魔保舉護
命朱宮靈降出貴仙化成人身身受度劫劫長存隨劫輪轉與
天齊年太度生災胎中八難超度三元道備飛昇逍遙上清上

清之天北華台元主世生道各有種天天帝玉眞無色之境梵行

東方八天

此三十二天專主保胎護命及天下胎生種類莫不隸之其胎氣所行之

天建於辰極之下自北斗玄冥星支入三台三台六星主生養萬物胎護羣生下左回纏房宿十三度女宿十七度至寶銚宮子位而止凡遇氣到本命及本生胎宿則女人有胎胎脫生子故謂之子寶銚者取其受而出之亦胎之象也惟天人化生住無形胎自天入至於人鬼龍魔皆不化生住有形胎也此天傍連欲界一十八天亦有帝君官屬治之世人請乞則降貴氣生男安胎室也

靈梵居羅天

帝恭慈眞

秀明華耀天

帝辨元霄

道藏輯要

度人妙經

元

九集二

極眞洞生天

帝劉行眞提

蒲離正化天

帝羌度霞迷

上治宏默天

帝延神關熙

六凝眞度天

帝抑眞虛夷

英延飛度天

帝汨醮婁咽

寶儲應始天

帝正察眞微

南方八天

醮魔靜空天

帝崔臨支題

旋樞赤界天

帝理常都

氐正護雛天

帝辯遲樓藍

越理至玄天

帝蒼端思蒙

梵符昭濟天

帝約尙良

虛球彥渚天

帝淵憂毗棲

禁非司政天

帝眇圖卑羅

玉庭明度天

帝鬱童僊人

西方八天

風舉大剛天

帝匪常儀生

金龜賢善天

帝火玄行

瓊嶽修盛天

帝力摧大魔

陶化揚儀天

帝都演奢多

道藏輯要

度人妙經

曲魚斗刺天

帝求婆貪貢

判靈宣平天

帝智辟郎據

皓華成備天

帝倪仙連

高玄智豫天

帝九都赫盧

北方八天

太始拘墟天

帝弗欲單齊

廣曜黎明天

帝阿留眞明

鶴臺統全天

帝開躬朗充

應利回冥天

帝惠屈眉龍

善幾率陀天

帝偃幾西康

立胎修妙天

帝定梵光

稽元歷除天

帝著克頤陽

不驕道循天

帝鬼府洞侯

三十二天三十二帝諸天隱諱諸天隱名胎神空洞自然靈章
保胎隱韻變胎靈音天中之尊天中之神天中太玄天中之靈
保胎化成氣連玉清皆自元始播精移神无量之奧深不可詳
敷落胎眞普度天人今日欣慶受度歷關諸天請滅胎種傳注
不祥食穢惡鬼黑齒夫人黃女春姑白殃日巡嗽胎殺子西宮
鬼神青蛇天狗白虎花源老翁幼婦誣害胎元生民嗷嗷但抱
深冤不知胎害故氣相連神王監舉无拘生民東斗布算西斗

道藏輯要

度人妙經

聖

九集二
XIII

定名北斗結胎南斗送魂中斗大魁土爲胎眞青帝護魂白帝
侍魄赤帝養氣黑帝通血黃帝中主萬神无越青天降胎木眞
碧羅赤天降胎紫蓋婆娑白天降胎金眞九回黑天降胎水帝
灌池黃天降胎福禧登期五天胎神萬生之宗飛行三台涉過
氏房攀女揖虛遊觀太空光霞赫奕諸天齊功保胎護命嚴攝
北酆八方害氣敢爲災凶監生大神校課不容風馳雲奔擊劈
前衝火師迅烟玄虎檢蹤燔裂洞浩神兵四攻敢有干試拒遏
上眞金馬傳驛玉眞衛營屠割鬼爽風火无停千千截首萬萬
剪形魔无干犯鬼无祆精保生瓊胎天壽和甯普告无窮萬神
咸聽三界五帝列言上清

玉泉无波龍澤靈阿眇眇梵氣道胎駢羅孕化混沌攝制大魔
混沌之中上无復色下无復淵風水含虛紫胞洞然神來感格
氣本先天天上天下无幽无冥无形无影无極无窮溟滓大梵
遼廓无光生道開明度人億千元始安鎮建植諸夫人氣昇玄
胎神內連妙氣成文雲章玉篇三元寶書鳳蹟龍文保胎護命
運歷長存大梵泛維萬胎啟張星光流演三十二天輪轉无色
周迴十方旋女歷房迴度三台三十五分總氣上元八景冥合
氣入生元元中太皇上帝高真乘景太和唱咏洞章司錄定生
聖母履綱斷除胎注生厄除殃時貴月吉三元惟良既誕勝慶
載齡協昌千和萬合道化成身身從胎生胎中有真帝一至尊

道藏輯要

度人妙經

聖

元集二
X 111

司命保胎宮室布分天一左真保胎神君天一右真保胎神君
泥丸大神保護胎門玉女出入抱火握鈴玉帝在頭赤子住心
黃庭老師守護帝闕與天爲一百子千孫斬逐腐敗狼藉血痕
不得忤胎使嬰晏存上通玉清呼吸華房綠室神臆細微之中
護命安魂玉宮明堂金闕崑崙生氣保胎道德委純十月九周
萬氣齊仙仙道貴生无量度人開通人門飛天元君恍惚常經
變化无垠保護胎命三景同明罪福禁戒宿命因緣普受閻度
降魂生身身得受生上聞諸天諸天之上各有生門中有空洞
謠歌之章保胎靈篇辭參高真

第一天元保胎大神護命真君甲子甲戌監生之音

大道有神

地魄天魂

日月同并

結胎變靈

玉佩左飛

金璫右迴

流精九轉

光被八垂

赤子妙微

房參尾箕

神女錦襪

華纓寶衣

入宴胎宮

三元共禧

扶攜真童

自然合離

辟却萬凶

不蹈傾危

祈男公侯

禱女嬀妃

保固利亨

天真永綏

第二地元保胎大神護命真君甲申甲午監生之章

黃旗舞空

紫白當宮

胎全子生

道藏輯要

度人妙經

聖

九集二

天福濛濛

我來自東

泛青雲兮

御彼長虹

捫星斗兮

玉馬金風

下真庭兮

素女么童

傾光降車兮

翠裾六龍

彼天人兮

揖我上公

保胎神於三元

固靈根於九重

紫皇太一

萬天齊功

坐嘯千神

斬馘殃窮

擲火億程

化明飲風

保定生胎

道德无終

晨霞吐光

照徹玄穹

第三水元保胎大神護命真君甲辰甲寅監生之歌

陰胞陽胎

萬生同賴

一氣共旋

三界斯在

我執玉彝

來奠洪儀

聖如瓊顏

光華夷蕤

紫氣在戶

胎室甯固

卽召九天

華蓋翩翻

六丁鼓瑟

三元掬烟

衛此生房

日月齊年

神公誅斬

北帝列言

天兵合圍

仙真按軒

燒香稽顙

注記无偏

善功自生

翊侍玄元

此三元之上六甲之宮保胎護命自然歌音音參洞章誦之百遍靜衛胎宮誦之千遍百神保迎萬遍道備胎化仙容過度三元護命王公有聞靈音六甲扶承勅制地祇寢息无驚拔出地道藏輯要

度人妙經

一

亢集二
川上三

官天墮橫傷五苦八難生孳繁榮永離禍姦魂魄和明合道長生是謂无量普度无窮有祕上天文諸天其所崇泄慢墮地獄禍及七祖翁

道言此洞章並是三元上帝六甲神王隱祕之音皆是大梵之言非世上常辭言无韻麗曲无華宛故謂之奧難可尋詳上天所寶祕於玄都三台上宮依玄科六萬劫一傳若有至人齋金寶質心依舊格告盟十天然後而付焉

道言下元女人身抱胎脈或犯五傷日月刑衝返害母命分降之時爲上世亡魂无道鬼爽阻礙移殃不得生就天魁大殺作諸妖賊凡有此災此時皆當淨心修齋六時行香十徧轉經福

德立降消諸不祥无量之文普度无窮

道言夫胎宮氣衰生福不行多致墮落羸涸不榮祖考訟呼嗣種斷緒母子不良三孤九病乳育乖邪災咎隨妨奉真至人爲其行香誦經十徧保胎護命監生奏上南宮爲添算紀全祐生身隨其道功計其隆殺富壽神仙

道言有傷胎之鬼致訟三官賊其年命滅折祿員使胎嬰病注子養不榮皆鬼神之所爲也亦有善人橫被陵害使夫嗣續世微門戶凋謝可以急誦此經祈告胎星以保命生基或上世乏德鬼責人怒天刑其胎不得安完速宜改愼洗心自悔以免此災害胎之鬼其名有九食一月胎鬼名黃球食二月胎鬼名厲道藏輯要

度人妙經

聖

元集二

卷八

生食四月胎鬼名兆非食五月胎鬼名陸棋食六月胎鬼名血尸食七月胎鬼名窮奇食八月胎鬼名火期食九月胎鬼名龍眉食十月胎鬼名赤奚知其鬼名焚香誦詠永保安甯生死受賴其福難勝故曰无量普度世人

道言凡有是經能爲下世男女保胎護命有災之日發心修齋燒香誦經十過皆諸天記名萬神侍衛學道之士修誦是經則胎神明正三宮煥騰長生致真聖胎內結不但女子可以奉行也右別至人尅得爲聖君金闕之臣諸天記人功過毫分无失三元胎仙六甲神王亦保舉爾身得道者乃當洞明至言也

諸天中大梵隱語无量音

道君譔

元始保胎護命靈篇

東方八天

祁彥荒正 北台元旋 梵形結生

帝火洞遷 求离柏名 希樓都玄

玉觀浩劫 女房幾延 景命神魔

綠英回檀 威屢碧戚 華瀾過邇

公都阿夷 雲符月淵 仙握流微

慶落孤賢

南方八天

九獸蔚无 曠圖日珠 酆曲鬼神

道藏輯要

度人妙經

聖

元集二

正頤溫甦 望祕蕭竟 紫華玄胡

舊井逼府 渾謀宛適 雅協仙梵

芝格乘除 建土生屈 道玄遮吳

律覽角媒 乾卑浸孤 萬眸逸度

天耀傳佻

西方八天

羅局野垂 騫泥偃池 劍婁尹虛

機泰迎埤 宴月霞昇 玄默漬齊

景瑤綠璆 交拳近師 宛樂太敷

勤封陂時 骨夜求覩 部目隱侶

歌逾昭樂

鼎琯赤容

飛屨耿名

仙庭泊峰

北方八天

苟无猴余

璚貝凝淨

威曠安迎

冥居岫臺

泽解尸枚

九真迷崖

阿都子他

平奚海嘉

魯登丞丕

晒樹頤陀

木罔魁漠

玄餘願華

斗畢觀齒

明愬灝差

洞鎮希閭

天句衢羅

道言此諸天中辰魁三台元生之音靈芒結文布鎮三十二天

道藏輯要

度人妙經

卷一 九集二

以施生定命化肇種民光輝緝麗含景玉霄天真皇人模按其
文以爲正音有知其音能齋而誦之者諸天皆遣飛天神王下
觀其身保胎護命上奏諸天萬神朝禮地祇侍門大勳仙王保
舉上仙上真下臨尅得遊行三界昇入金門此音無所不辟无
所不禳无所不度无所不成天真自然之音也故誦之致飛天
下觀上帝遙唱萬神朝禮三界侍軒羣祇束首鬼精自亡胎真
洞映三府肅清天蓋旋碧地樞玄明嶽峙海澄日月煥照靈音
幽響羣仙慶賓四氣宴寂道景虛凝大量玄玄也